

澎湖廳志卷一

封域

澎湖不過海上一混耳然島嶼迴環港汊錯雜為中外之關鍵作臺廈之逆旅前者施侯爭之以進取鄭氏失之而議降既入版圖凡臺灣有事內地舟師東征皆恃澎湖為進戰退守之地所關於沿海大局者正匪淺矣茲畧天文之幽渺而詳地勢之形使其於川陸夷險山海扼塞倘亦規畫海疆者所必講乎為封域志第一

目錄

星野

形勢

山川

島嶼

八景附

澎湖廳志卷一

道里

井泉

遺跡

墳墓

總論



星野

臺灣府志云臺灣禹貢揚州之域天文牛女分野星紀
之次於辰為丑澎湖廳屬台灣府轄星野從同
按福建通志台灣泉漳各府縣志俱主牛女無庸贅
到慎諸羅志謂台與島夷同占宜從呂宋日本例為
軫翼分值翼九度鳳山志駁之甚力且以澎湖舊隸
同安為牛女之証是全台之分野既因澎而見則澎
之分野更不須言而次矣况台澎距呂宋日本皆七
十餘更而淡水至省會僅五六更澎至金厦亦僅七
更而近閩省既從牛女則台安得獨異又何論澎耶
說者乃舍近求遠必欲與五千里外之島夷同其分
野是誠何心哉

形勢

澎湖屹峙巨浸中自泉郡清源山發軔蜿蜒至東南入
海一線隱伏波濤中穿洋潛渡至澎之北礁隱躍水面
形如吉字俗名北境繚繞而南始浮出水曰吉貝嶼是
過脈處復伏水中三十餘里至北山嶼之瞭望山起高
阜十餘丈周二三里是龍脈起處過北山嶼十餘里由
中墩嶼過峽二里許特地結一大嶼名大山嶼在澎湖
中央磅礴奔嶼幅員約百里廳署協營皆在焉大山嶼
之中一山鎮峙周圍四五里地勢獨高名大域山為廳
治少祖山分四大支一支出東北為林役奎壁等澳一
支出西南五里至東西衛澳之文澳社為廳治文石書
此又西去五里主媽宮社協營廳倉街內開一港為商

哨聚泊之所港口有龜蛇二山南北拱持護衛周密為全澎正口所謂險口不得方舟內溪可容千艘者是也山之北一支為鼎灣丸碇各溪南一支為蔣裡澳一帶聯絡至風櫃尾社回抱媽宮口與西嶼之內外塹形勢倚此大山嶼之勝概也其東則陰陽諸嶼西則西嶼小門南則虎井雞籠北則北山吉貝以及極北之此境極南之八罩南大嶼西南之花嶼草嶼東南之東西吉兩嶼四面八方星羅碁布大小不一省志海防考稱三十六島如排衙府志又稱回環五十五島其地勢形便港汊錯出前人論之詳矣宜其屏蔽金廈防扼台灣島嶼為東南半壁一大鎖鑰也易曰王公設險傳曰形格勢禁鳥得以彈丸黑子而忽之耶蔣氏續編

澎湖廳志卷一

三

附考

澎湖島在琉球國水行五日地近福州泉州興化漳州四郡界天氣晴明望若烟霧明一統志海中島嶼最險要而紆迴則莫如澎湖蓋其山周圍數百里險口不得方舟內溪可容千艘海中舊有三山之自澎湖其一耳東則海壇西則南澳誠天設之險何可棄以資敵方輿紀要澎湖為漳泉之門戶而北港即澎湖之唇齒失北港則唇亡齒寒不特澎湖可慮即漳泉亦可憂也北港在澎湖東南亦謂之台灣同上福州海中有澎湖相去三百里晴日髣髴可見有參將領兵駐之自福州順風而往不半日至也王堂記

同安海與地大而山高者惟浯洲嘉禾為最其東則外海為澎湖為東番琉球諸國余謂三山橫亘海外澎湖閩南之界石浯洲嘉禾泉南之捍門也寇賊奸究淵藪往來共指同安海澄間信宿耳同安縣志澎湖僻在興泉外海其地為漳泉南戶日本呂宋東西洋諸國皆所必經南有港門直通西洋福建海防志澎湖大海一島土地確瘠漁釣為生者半而海道險峻扼臺灣之要衝為全閩之外捍有澎湖則臺灣如在掌握中內自訟齋文集紀畧稱大山嶼形如蓮花其餘諸嶼則荷葉田田於理為近至於起祖發脈至今未經論辨每聞渡洋老船戶俱云北境一道沙線直通西北至泉州崇武澳

澎湖廳志卷一

東南洋面舟或寄棧其上水比他處較淺固悟形家云泉州清源山一支向東南入海即如台郡志稱台灣自福州鼓山發龍殆非無據或以澎湖吉貝與金門之料羅對面謂澎島發脈於金門太武山者此又一說續節蔣氏編富陽周芸臯曰陰嶼陽嶼東吉西吉皆在澎湖之東婆娑洋臺灣洋面澎湖水勢獨高四面皆低名八卦水考海東札記則謂據名山藏所載乾坤東港華嚴婆娑洋世界名為雞籠之說有指為今臺灣者恐亦影響談耳今按周氏詩註婆娑洋自係在臺灣海面習俗相沿已久未必因名山藏而附會其說至淡水有雞籠頭而澎湖亦有雞籠與猶之台灣有大井頭

嘗遭火災而澎亦有火井頭亦嘗燬於火安平有赤嵌城而澎亦有大小赤嵌也然當時臺灣之地未著而澎湖三十六島自隋已顯則所稱名為鷄籠者安知其非指澎之雞籠乎若陳氏新刻淡水志誤指澎之雞籠與屬於淡水則証罔實甚語詳舊事錄

澎湖廳志卷一

五

山川

澎湖山脉發源於極北之瞭望山逕迤而南分為數支大小不一但此地四面皆海而諸山皆不甚高故紀畧遺之然一一高阜突起平陸亦足為海船之標準也茲據採訪所及及續編所載凡有名稱可指數者由幹而支由內而外一一詳列如左

瞭望山在北山與瓦碇澳後寮社距廳治水高十餘丈陸三十里周二里許五阜排連畧如五指層巒聳翠氣象巍峩相傳自泉郡清源山發脉至北槁由吉貝過脉至此為澎湖諸山之起處北來商船先望此山故名瞭望山舊有墩台其東南山半有兩峽泉溢涌不竭山之西有飲馬泉滾滾溢出下注可以灌園形家以澎湖為蓮花此其

蓮花蒂也

按北山各社尚有小阜如通梁之筆架龜嶺歧頭之
小大仔虎山皆不甚高附見於此

大城山當大山嶼之中距廳治五里餘為廳治少祖山乃澎山

最高者延袤七八里尚巒平衍遠盼如列屏凡台廈舟

艘往來皆指此為圭臬山頂高處前人築城其上周僅

二三里遺址猶存得山以此陟其顛四望則五十五嶼環

繞目前浮螺點黛恣可指數天氣晴霽曉顧台灣諸山

顯現如在咫尺須叟紅輪湧起海東萬道金光與波瀾

相激射髣髴不見台山而高船漁艇或遠或近梭織島

嶼間真海外奇觀也至春夏之交芳草如繡下視平曠

苗黍芄芃四山蒼翠洞豁心目秋冬以後則風沙瘴霧

澎湖廳志卷一

海氣蒼茫蜃樓煙市變幻又難以名狀矣

太武山在大山嶼林投澳太武社後距廳治三峯圓秀

大小相伯仲俗以太太武二太武三太武名之大太武

在北最高東北舟來先見陰陽嶼次見此山山頂名多

蠣房壳理亦難解明鼎革後同安盧尚書若騰迹跡來

澎居此山下卒葬山南墓址尚存

奎壁山在大山嶼奎壁澳北寮社後距廳治二原名繩

龕以形似得名

小案山在大山嶼東西澳案山社西距廳治一帶平巒

若几案為書院朝山

獅山在大山嶼峙裡澳石泉社後距廳治四峯相聯形

類獅子西一小峯勻圓如毬

雞舞塢山在大山與時裡澳雞舞塢社距廳治峯平如
削頂上微有凹形遺餘詳
觀音山在大山與時裡澳猪母落水社前距廳治橫峙
海濱懸崖十餘丈下有穴方廣不盈畝以石投之嘈呖
有聲穴通潮水上穿一隙透山頂每冬月狂潮冲激從
隙中噴起飛沙作舞亦奇觀也穴中有巨魚大不
紗帽山在大山與時裡社西北距廳治巍然高聳中起
圓凸旁舒兩肩形若紗帽四面環顧皆然為廳治協署
及書院朝案前任副將李文瀾以峯頭不夫令人砌石
如塔狀高三丈餘今遺址僅存山南有沙脊名象鼻垂
入水際下產煤炭
風櫃尾山在大山與時裡澳風櫃尾社距廳治二山勢

澎湖廳志卷一

嶽嶽此一帶繚繞如長蛇名蛇頭為媽宮在衛社南有
石岡臨海中空一洞可容數十人四傍石壁魚鱗重疊
上有竅如斗大穿石透山背竅傍常作小旋風沙土滾
滾漏下聲如鳴鉦洞口關一溝內窄外寬潮水入焉風
起潮來巨浪鼓盪竅中沙土噴出十餘丈飛射半空如
鯁魚噴沫風再滾下浪隨噴出土人謂之風櫃
金龜頭在媽宮澳西南相距僅里許與蛇頭東西斜對
地勢不甚高而為媽宮右臂近於其上築礮臺設兵房
以資捍禦

按以上皆大山與之山有旱路可通往來者惟自瞭
望山至文澳廳治必經海道二處然潮退時仍可徒
涉此外隔水各與一二小山亦附列於後

內塹山在西與澳內塹社西北程三治水山多巨石磊
砢土黃色坡下有二小泉相對隔尺許去平地六七尺
點點下滴不絕取以煎茶泉味頗甘北行數里有小池
角社之鼻尾山俗名蟬蟻山半亦有泉從石隙出旁皆
細草中有小穴如蟬眼亦謂之蟬眼泉其西則一帶汪
洋天水一色景頗幽曠

外塹山在西與之南瀕海盡處適年於高阜建立塔燈
夜間一點明星照耀遠近為海舶往來之標準

天台山在八罩水按澳南程八治水山上平坦廣數百

步近視不甚高登臨遠眺則環澎島嶼依稀在目

虎井與程四治水東南一面沙石環抱勢頗險峻

大城山之水分為五條石隙微泉涓滴而下若春雨多

澎湖廳志卷一

則溪中有泉可導一由大城北鯉魚潭至港底之中溝

大旱時祈雨一由蚱脚與西流一由東衛一由菜園一

南過雙頭掛皆涓涓細流緣溪彎曲而行入於海

西溪源由太武山出東北經西溪社前其東為紅羅罩

鄉水由適中迴流而出以入於海

東西湖在奎璧澳兩社之中地窪下羣水所匯旁有小

湖三四可以溉園旱亦不涸湖東湖西兩

大池角在西與有池廣可數畝大旱不涸堪資灌溉

池角兩鄉
以池得名

附考

澎湖諸島皆平岡無峯巒舟行稍遠輒伏而不見漸近時登鷓首高處憑眺恍惚天際微雲一抹府志按澎湖地無高峯以為祖山無溪潭以資灌溉故地皆斥鹵或北風乘發則狂濤怒飛其聲甚烈緣極北發祖之瞭望山未甚高聳不能屏蔽而擁護之也大城北地勢稍高為澎之少祖山居其下者若蔡氏首發甲科以文章著名實得山川之助地靈人傑豈誣也哉

澎湖廳志卷一

九

八景附

續編載島上八景曰龍門鼓浪虎井澄淵香爐起霧奎壁聯輝案山漁火太武樵歌西嶼落霞南天夕照今增其四曰晴湖泛月燈塔流輝風櫃飛濤大城觀日

附考

中秋夜風清月朗買扁舟一葉放手中流斯時微波不動星月交輝水天一色極目無際恍如置身瓊樓玉宇之中真奇觀也節胡氏紀畧時當子夜銀濤浴日遙望東海紅光璀璨雲霞繚繞日如車輪旋轉載沉載浮濯波而起亦奇觀也同上按西嶼落霞載在府志八景即縣志之金雞曉霞也或謂外壑海中有珊瑚樹光氣上燭與日色相銜故

彩色灼爛異常是說近之
按奎壁聯輝在龜巖澳後人取其字稍雅馴者名之
非真有殊景也與太武樵歌似皆可刪
又按鮑通守復康以新增四景命題課諸生曰篝火
宵漁負箕晨牧短鏡劇草伐鼓歐魚并首唱小詩四章

島嶼

澎湖之有島嶼猶他郡之有岡巒也凡岡巒必識其主
從起伏去來盤結之勢然後知地方之儉易澎之諸嶼
錯落於巨浸間若鷗鳥泛泛似無主從盤結之形真不
知以大山嶼居中為主南有八罩北有吉貝東有陰陽
諸嶼西則西嶼環抱兼之四隅星布疎密相間大小相
維層層從衛以及水口沙線左縈右拂又不啻錯節盤

澎湖廳志卷一

十

根前鄭氏於諸嶼之上俱設炮台守禦靖海侯嘆其堅
如鐵桶者此也由海道者必問島嶼以為往來之標的
且知某處可進舟某處有明礁暗礁不惟不可進并不
可泊詳見海道要必十分諳熟者始敢問津焉蓋其洋大而
山低水急而流迴各嶼脚礁石甚多商船戰艦俱不
敢率意近泊惟本地小漁船或可灣停此又諸嶼所同
也福建海防志謂澎湖三十六島如排衙此亦畧舉其
概而已或以為五十有五馬天數二十有五地數三十
合五十有五而脩天地之全數此澎湖所以為天造地
設之險歟而富春周氏則謂四十有九紀其實也在澎
湖之中者為大山嶼廳署協營駐札處中分五澳幅員

約百里其隔海各嶼大小不一多以形似得名茲考其

遠近方向臚列於左

大山嶼之東各嶼至一文溪峽下廳同治

陽嶼距廳三治里水

陰嶼距廳三治里水

大山嶼東北

長岸礁嶼距廳九治里水

淨嶼二里十

島嶼有民居里

大山嶼之北

大倉仔嶼距廳八治里水

民居北山嶼三治里

澎湖廳志卷一

嶼四里十

北地極

險要為

大山嶼西北

大烈嶼距廳十治里水

門此沉水三隻礁出在經此最烈二嶼對中五分一水嶼

云不產一船隻出在經此最烈二嶼對中五分一水嶼

物故名里北鉄砧嶼里十

六人眼又名月眉

如十餘名府志云形

大山嶼之西

師公礁嶼距廳二治里水

密中分十社程二廳十治里水

外風可泊舟於嶼之臺厦往來心灣六里十

塔燈以照行船

外風可泊舟於嶼之臺厦往來心灣六里十

密中分十社程二廳十治里水

師公礁嶼距廳二治里水

外風可泊舟於嶼之臺厦往來心灣六里十

大山嶼西南

四角仔嶼以距廳治印水程十里嶼係媽宮港水口形家
媽宮船隻俱出為鷄籠嶼五里大貓嶼自十餘里凡草嶼
惟七里通志云澎湖請名嶼里大貓嶼十餘里小貓嶼
八里對中分一大水
大山嶼之南廳有民居四桶盤嶼四里餘西平里分二
沙嶼五六里馬鞍嶼六里即雜里府志以東餘里分二
里必名布袋嶼凡口僅履往來船隻為入險隘軍嶼八里
青里必名布袋嶼凡口僅履往來船隻為入險隘軍嶼八里
七里必名布袋嶼凡口僅履往來船隻為入險隘軍嶼八里
里必名布袋嶼凡口僅履往來船隻為入險隘軍嶼八里
密里必名布袋嶼凡口僅履往來船隻為入險隘軍嶼八里
平里必名布袋嶼凡口僅履往來船隻為入險隘軍嶼八里
鐘仔嶼形如鐘其頭中嶼九里後嶼南鐵砧嶼九里

大山嶼之南

虎井嶼十里有民居四桶盤嶼四里餘西平里分二
沙嶼五六里馬鞍嶼六里即雜里府志以東餘里分二
里必名布袋嶼凡口僅履往來船隻為入險隘軍嶼八里
青里必名布袋嶼凡口僅履往來船隻為入險隘軍嶼八里
七里必名布袋嶼凡口僅履往來船隻為入險隘軍嶼八里
里必名布袋嶼凡口僅履往來船隻為入險隘軍嶼八里
密里必名布袋嶼凡口僅履往來船隻為入險隘軍嶼八里
平里必名布袋嶼凡口僅履往來船隻為入險隘軍嶼八里
鐘仔嶼形如鐘其頭中嶼九里後嶼南鐵砧嶼九里

澎湖廳志卷一

南嶼廣袤百三十四里亦有民居大嶼
大山嶼東南

東嶼坪距廳治里西嶼坪七里志以嶼平分對
東吉嶼十一里西吉嶼居一百二十里志以嶼平分對
台厦往來船隻鋤頭增嶼東一百二十里志以嶼平分對
以二嶼為標準

附考

澎湖馬山環海有五十嶼巨細相間坡隴相望週環

五十五澳台志

嘗考方輿紀要澎湖地環衛可二百里擅三十六嶼
之勝海國聞見錄云澎湖島三十有六而要在此媽宮
西嶼北港八罩四澳尹士俚志畧云澎湖島嶼錯如
螺髻其大而最中者曰大山嶼其羅列於大山嶼之

前者有虎井金雞六嶼其錯落於大山嶼之後者有
奎壁吉貝等九嶼其旋繞於大山嶼之右者有金山
月眉等十五嶼其列衝於大山嶼之左者有東西吉
十八嶼總澎之嶼四十有九今考紀畧則五十有五
嶼焉舊云三十六島蓋舉大概言之內自訟齋
謹按澎湖各嶼惟大山嶼及北山各社人煙頗密此
外隔海嶼上有民居者以西嶼八罩為大他若虎井
桶盤吉貝員貝鳥嶼花嶼小門汛大倉仔南大嶼以
及東西吉東西嶼坪已耳其他或沙汕浮出或海中
片石無平地可耕無港路可泊有時漁舟挂網跡跡
偶至耳初不得謂之嶼也夫生齒日繁而土田不加
廣故凡可釣可耕之地皆小民生聚之區在乎官之

澎湖廳志卷一

善為經理考紀畧載南大嶼東西嶼坪距廳治較遠
曾經封禁蓋恐鞭長莫及為奸宄所混跡也抑知
國家聲教四訖山陬海澨莫非食毛踐土之區豈於區
區小島而化外置之且居此島者皆耕釣良民有家
室之安有舟楫之利有比鄰以資守望有澳甲水汛
以互相稽查其於媽宮廳治無異手足之衛頭目也
脫令空曠無人安知不為奸宄所竊踞轉末由警覺
哉觀於噶瑪蘭蘇澳未闢以前海賊朱漬蔡牽垂涎
者屢既經墾闢雞犬相聞奸人更無所容其跡熟得
孰失皎然可辨矣夫地之大小雖殊而情形則一又
何必汲汲封禁而後謂之無事也哉

道里

澎湖蕞爾浮島錯列水上惟大山嶼各社陸路可通餘皆隔一水故不設驛遞并無鋪站然舟車來往有里數可稽宜紀其概以知疆界之遠近而紀畧續編皆未之及茲以文澳社廳治為綱核其水陸行程分列於後
東出文澳社 八里至雙頭掛社 一里至鳥嵌社即界大海

西出文澳社 二里至樾蔭亭俗名五里亭 一里至媽宮街即界內港
南出文澳社 三里至石泉社 十三里至井仔垵社
北出文澳社 四里至東衛社 二里至蚱脚嶼社
三里至崙裡社即距大海

澎湖廳志卷一

古

一里至港仔尾社 二里至潭邊社 五里至中墩社 五里至港尾社 二里至鎮海社 二里至港仔社 五里至大赤嵌社即界大海 七里至鐵線尾社 東南出文澳社 四里至菜園社 七里至西港水程八里至鎖營港社 二里至猪母水社即入大海 西南出文澳社 五里至小寮山社 由內港水程八里至風櫃尾社即距大海 東北出文澳社 七里至大城北社 二里至太武社 二里至西溪社 五里至湖西社 一里至湖東社 六里至菓葉社即界大海 西北出文澳社 一里至紅木埕社 三里至西衛社 即距內港

以上陸程

南由蔣裡社起 二十里至虎井社 三十里至網水

社 二十里至嶼坪社 五十里至大嶼極南界

西南由風櫃尾社起 六十里至花嶼社

西由媽宮社起 二十里至西嶼社 西嶼之小門北界

北由大赤嵌社起 三十里至吉貝嶼極北界

東北由菜葉社起 三十里至島嶼社

東南由珠母落水社起 八十里至東吉社 極東

以上水程

按府志云澎湖廳東至東吉嶼八十里西至草嶼八
十里南至南嶼一百里北至目嶼八十里距府二百
四十里謂皆係水程故不計廣袤云

澎湖廳志卷一

井泉

澎湖素號水鄉而四面汪洋水盡鹹鹵又無高山大麓
溪澗川流以資挹注澎之人其需井而飲也較諸他郡
為甚一遇旱乾則男婦徹夜守井取水截竹桶以汲之
嗷嗷海飲有甚於飢噉其可憫也然鑿井於澎則有難
焉者或地中多石井將成而為盤石所硬者有之或地
脉無泉鑿至數尋終為棄井虛費人力者有之或即得
泉而水性鹹苦而浮鐵膜不可食者又有之或一澳而
得一井焉幸也或一澳而得二三井焉則更幸矣嶺南
記載鬱林有司命井今澎湖之井不誠為澎民之司命
歟吾聞穴螿多處可鑿井澎之人其識之所以備大旱
灌溉之需者重且遠也茲將各井列後

東衛社村前井 水最清冽且泉流甚旺旱亦不涸距

廳治三里署中煎茶常取此水澎之第一泉也

文瀾社書院內井 井係乾隆三十二年鑿水亦清

形家云此處地脉最正故井水亦清云

媽宮社大井 康熙二十三年靖海侯施琅既克澎湖

駐兵萬餘於此水泉甚少不足供眾師之食侯禱於

天后神甘泉立湧汲之不竭至今井泉甚旺俗名

萬軍井但水味畧有鹹氣耳按紀畧所載如此

協鎮署內井水最清冽然在署內取汲未便按近時

積煤炭水味不潔及前遠矣

嘉蔭亭井俗名五里亭泉流極旺亦無鹹鹵之味凡

往來商船戰艦多赴此井取水井身甚淺舉手可汲

澎湖廳志卷一

寶山凹流泉故旱亦不涸

觀音廟前井 井在媽宮澳之西逼近海邊而泉流清

澈味甚甘美與東衛井相仿但此井旱久畧鹹東衛

之井旱久越甘此井兩多味更美東衛之井兩多則

畧帶土氣二井於晴雨亦各有不同然均非地井所

能及也

鎮海澳西寮井 水亦清甘無鹹鹵之氣

西與外塹井 在半山之腰味亦清甘以上八條節

南寮趙家井 趙騰兄弟就近鄉宅園鑿井竭數歲之

力卒得甘泉旺甚以溉蔬果頗獲利生員蔡

瑞應溥惠二井 在媽宮澳協署邊光緒三年提督銜

管帶輪船吳世忠新鑿泉旺而味冽監生葉國梁採

碑記載藝文採

菓葉社大井 在本社 閩聖廟旁大路邊井底有兩
竇甚深莫測所止井深三仞水不及五尺味頗甘旱
不少減雨不加多嚴冬他井皆涸鄉人共汲此井以
炊挹注不竭

相公井 在隘門社頂寮大路坑旁有相公小廟故名
相傳為神明所擇地勢稍高水深尋餘雖旱不涸附
近低處村井錯列深或倍蓰皆弗及此泉之旺水味
頗冽常有白沙自石隙中湧出以上生員
西溪井 西溪社有二井一在溪邊最著名泉旺而味
甚清大旱不涸村人所共汲者一在社北近山下較
之溪邊者味尤清甘他井罕及也曾廣生陳雁標採
西勢井 在吉貝嶼味極甘冽

澎湖廳志卷一

七

遺蹟

暗澳城明嘉靖間都督俞大猷逐海寇林道乾時留兵
守彭築城於此遺址猶存臺灣府縣志
瓦硎港城明天啟二年外寇據澎湖築城明年毀其城
未幾復築同府

蔡氏廷蘭曰今瓦硎港澳之港尾社西南里許有紅
磚一片基址叢殘不可辨相傳為外寇築城故處其
南一社名城前亦一明據也

紅木埕在廳治西地二里許前明時有小城周圍一百
二十丈今城垣已頽其一在大城北山頂遺跡猶存紀
八罩嶼天台山上有仙人足跡里人於正月十三日醮

錢寶神於此謂之天台勝景續編

味銀嶼在澎之南相傳洋船嘗碎於此土人入水探銀

御音呼為味銀嶼因此名志 府

施襄社侯奏疏云八罩虎井大海之中井泉甚少供水

有限自臣統師到後每於潮退就海次坡中扒開尺許

俱有淡水可餐從未曾有及臣進師臺灣彼地之淡水

遂無矣按郡乘錄師泉井記以為禱神得泉之証不知

師泉井固在內地之平海澳也又藍襄毅提軍疏請

御賜天妃宮匾額稱大師所到各處井枯甘泉倏爾

騰沸足供食用再如六月十七等日在七鯤身血戰其

地處在海中適當潮退軍士就坡中扒開尺許俱有淡

水可餐云云郡邑乘何以遺之而紀畧以媽宮街大井

澎湖廳志卷一 六

指為施侯得泉濟渴之處考之奏疏似未盡合蓋施軍

惟在八罩虎井故難於得泉耳若既入媽宮澳則澎地

已平隨處可汲何必獨特此一井乎且從前劉國軒兵

守媽宮港者亦多何以並無患渴而所汲者又何井乎

以前人所載姑並存之耳錄 聖地

虎井嶼東南港中沉一小城周圍可數十丈磚石紅色

每當秋水澄鮮漁人俯視波底堅垣壁立雉堞隱隱可

數有喜水者沒入海底移時或立城堞上或近城趁魚

蝦之屬言之鑿鑿但不知何時沉沒滄桑變易為之一

慨井 恭續編按周凱有虎

按明末外寇築炮樓於薛裡澳海邊堅緻如鐵巡撫

南居益遣兵拉之賊首高文律拒守不下官軍以火

藥轟之樓傾入海事見居益奏疏及外史諸書虎井
與嵗裡毗連竟者今之沉城其即當日沒入海中之
堅樓歟不可考矣

媽宮澳之西有小城逼近海岸城垣用糖水調灰疊磚
與臺灣之安平城一樣堅緻似係前明時所築今舊址
已改建矣同上

大城北山上產青石成片質甚堅掘後復生以羅經置
其上則指南針不定同上

相傳虎井與海口昔有商船失事於此每當風雨將作
則燐火熒熒遊行水上豈長逝者怨氣未散化為燐火
以示後人使知戒避歟抑古人所稱陰火潛然即其說
歟蓋風雨之夕陰氣凝聚陰極生火理有固然無足異

澎湖廳志卷一

九

者顧何以獨見於是歟據生員蔡時文採

目與有石洞大約十餘丈內頗幽邃有石榻石几或入

探之覺陰森之氣悚人毛髮監生林瓊採

象鼻在嵗裡澳海濱有白沙一條甚長沙細如粉上如

劍脊然或割平之翼日仍復故形莫測其理鼻端入海

有兩孔潮退時汲之水淡而列在海邊鹹水間終古不

淆亦一異也林瓊採

道光十年鷄舞塢山東南有聲鳴數月居民移石見一

小洞深不可測久之亦無他異或謂此山為又灣書院

之巽方亦宜造塔其上云蔣氏續編

四角仔嶼小塔在媽宮灣港口同治十年諸生許樹基

據胡氏紀畧以四角嶼為澎湖水口羅星如印浮水面

法宜造塔其上因招同舉人鄭步蟾等合捐錢五千千
文交武生高其華經理塔成費銀八十餘千文不敷者
皆其華執給共約出貲之人及其子孫功名有進步者
各加築一層於上云陳維新

澎湖廳志卷一

墳墓

明兵部尚書盧若騰墓在太武山上

附考

盧尚書同安人家在浯洲脚金有遺愛於甬上故全
謝山為作祠堂碑文稱其深入東甯臺灣府志謂其
遯跡澎湖考外史尚書至澎湖病不二日死遺命題
墓曰自許先生蓋志書以未曾至臺故疑遯跡謝山
以彭統於臺故渾言深入得外史而釐然矣又臺志
祇稱盧公遷甯紹道泉州府志言盧公巡撫鳳陽結
騎亭則繫以兵部尚書督師其所受職即聞中也如
必甲申以前官乃可登載則沈斯菴之稱太僕復齋
沈公之稱都御史非甲申以後乎彙錄

按林歛雲稱公子饒研負骨歸葬今在金門之賢佳
鄉而澎湖太武山遺墓完固倚山面海形勢頗佳士
人傳為軍門墓竟者公子於遷葬後就原處築成墓
形歟後人有盜葬者皆不利族自移去

封域志總論

臺海疆也澎則蕞爾丸泥點點海上似無疆域之足言
矣然地據中流若輔車之相倚故凡海舶過台者必視
澎山為標準或風潮不順則仍收泊澎湖幸免蹉跌此
第在無事時耳若臺灣有事澎軍每就近援應即輪船
轉輸軍實輕捷如飛要必於澎設局支應以濟其乏是

澎湖廳志卷一

二十一

故澎湖可守則中外聲氣相接呼應皆靈而無睽隔要
截之患譬人一身臺之於閩如唇之護其齒如手足之
捍頭目而澎其筋節脈絡也安得以小而置之耶昔春
秋於虎牢緣陔特筆書之為其有閩天下之故也夫台
灣固沿海七省之藩籬而澎則閩與臺之關鍵也其為
虎牢緣陔也多矣是故守閩必先守臺守臺必兼守澎
蓋固澎即所以守臺而因以衛閩也守之之道余何曰
無恃險無弛險無畫岸以自固無委險以予敵